



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno DCCCLXXII. ad annum DCCCCIX.

**Parisiis, 1644**

Concilivm Romanvm III. Qvo Petrvs In Causa Photii Restitvendi missus est  
Constantinopolim anno Domini DCCCLXXIX. tempore Ioannis VIII.

**urn:nbn:de:hbz:466:1-15967**

ANNO CHRISTI 878.

uernensi, IV. Idus Septembres, hoc est triduo post coronationem istam Trevis datum, in quo non alium se quam regem vocat his verbis, *Ludouicus misericordia Dei rex?* Rex ergo fuit, non imperator: imperatoris vero titulum, antiquis ignotum, alii postea temere affinxerunt.

ANNO CHRISTI 879.

CONCILIVM ROMANVM II.

OB ELECTIONEM NOVI IMPERATORIS post obitum Ludouici III. cognomento Balbi congregatum, anno Domini DCCCLXXIX. tempore Ioannis papæ VIII.

NOTA.

\* *Concilium*] Cum Ludouicus tertius. 4. Idus Aprilis die parasceues circa vesperum, anno Redemptoris nostri 879. obiisset, eaque de re Ioannes papa VIII. certior factus esset, Synodum Romæ indixit, teste Aimoino, mense Maio celebrandam. Ad Anspertum Mediolanensem archiepiscopum, quem ad hanc Synodum vocabat, scribens epistolam 155. hæc ait: *Quia Carolomannus corporis, sicut audiimus in commoditate grauatus, regnum retinere iam nequit, de noui regis electione, vt omnes pariter consideremus, vos predicto tempore adesse, nempe ad Kalendas Maias valide oportet. Et ideo antea nullum absque nostro consensu regem debetis recipere. Nam ipse qui a nobis est ordinandus in imperium, a nobis primum atque potissimum debet esse vocatus atque electus, &c.* Carolum Crassum filium Ludouici fratris Caroli Calui erga quem propensior erat, Romam vocat. Cumque Anspertus ad Synodum vocatus venire noluisset, atque interea de eligenda Caroli persona propositum immutasset, post dictam in Anspertum excommunicationis sententiam, suspensa est noui imperatoris electio vsque ad biennium, quo elapso Carolus, post Italiam sæpe armis subactam, anno Redemptoris nostri 881. die natiuitatis Romæ a Ioanne VIII. creatus & coronatus est, postquam biennio interregnum fuisset. Ita Regino in chronico, & Aimoinus lib. 5. c. 39. Baronius anno 879. numero 2.

Obitus Ludouici III.

Carolus Crassus fit imperator.

CONCILIVM ROMANVM III.

QVO PETRVS IN CAUSA PHOTII RESTITVENDI missus est Constantinopolim anno Domini DCCCLXXIX. tempore Ioannis VIII.

NOTA.

\* *Concilium.*] Hæc Synodus auctoritate Ioannis papæ congregata Petrum aliosque adiunctos ei legatos ea facultate dumtaxat instru-

Mmm iij

xit atque communiuit, vt Photium a censuris ecclesiasticis absoluerent, & sedi Constantinopolitanæ restituerent: ad veram & germanam Synodum octauam sub Hadriano pontifice habitam, reprobendam: & particulam illam, *Filioque*, e symbolo penitus tollendam multa auctoritate iidem muniti fuerant. Hæc cum pateant ex epistola Ioannis 199. ad Basilium imperatorem scripta, qua se in Photio sedi suæ restituendo, non Concilii dissipatione vel abrogatione, sed tantum dispensatione vti significat: secundo ex epistola 250. & 251. quibus indicat, se reprobare omnia, quæ præter restitutionem Photii acta sunt. Tertio ex ipso commonitorio per Photium corrupto & falsato, in quo episcopi subscribentes profitentur omnes, se commonitorio pro Photii restitutione subscribere, nos vero & germano commonitorio cuius 203. 250. aliisque pluribus Ioannis papæ epistolis mentio fit, destituti, commonitorium illud quod a Photio corruptum, & in Photianæ pseudooctauæ Synodi actione 3. lectum fuit, inserendum esse putauimus: tum vt inde acta huius Concilii confirmetur: tum etiam vt quæ auctoritate legatorum in pseudooctaua Photiana Synodo Constantinopoli gesta dicuntur, falsitatis & imposturæ manifestæ redarguantur. Commonitorium autem Græce scriptum & a Merio Latine redditum sic se habet:

*Ioannes episcopus seruus seruorum Dei; commonitorium  
fratribus Paulo & Eugenio episcopis, similiter  
& Petro presbytero cardinali nostris  
Constantinopoli legatis.*

Commoni-  
torium a  
Photio  
falsatum.

**C**VM primum diuina fauente gratia & intercessionibus sanctorum apostolorum Constantinopolim ingressi fueritis, illuc diuertite quo præcipiet imperator: & antequam imperatorem visitaueritis, nulli alii apostolicas literas tradere velitis. Cum coram imperatore fueritis, literas illi tradetis huiusmodi verbis illum alloquentes: Salutem vestram ex Deo regnum spiritualis vestre pater dominus Ioannes apostolicus papa, tuam ex Deo potentiam suis orationibus singulis diebus sancto Deo commendans, vt ille qui vobis hoc dedit desiderium propter ecclesiasticam pacem, tribuat vobis gratiam suam, & consoletur vos sua felici protectione, & perficiat in bonis desideria vestra. Si rogauerit imperator, antequam literas legat siue capitula responsionis nostræ, huiusmodi verbis illi respondete: Si iubet imperium vestrum, videat epistolas. Et si dixerit: Quid continent epistolæ? illi respondete: Salutationes continent, & omnino recte perficiunt. Postridie sa-

ANNO  
 CHRISTI  
 879.

lutaturi Photium sanctissimum accedite, & epistolam illi tradite, salutantes illum decenter talibus verbis: Salutatur te dominus noster Ioannes apostolicus papa, & vult habere te fratrem & comministrum, sicut scripsit imperator, vt propter pacem ecclesie recipere sanctissimum patriarcham Photium fratrem & comministrum nostrum, exaudiremus preces vestras, & preciperemus vt coram nobis veniat ad Synodum: & vt recipiat ipsum vniuersa ecclesia: iuxta tenorem literarum nostrarum, illum recipite vt comministrum nostrum, atque vt ecclesie Romanae gratiam habeat, surgentes, illi dicite: Mandat dominus noster sanctissimus papa, vt omnes qui in diuersis locis extra terminos extiterint, siue episcopi, siue presbyteri, siue quicuis alii fuerint, & noluerint hucusque vobis communicare, vestro opere & labore vniantur ecclesie Dei, & fiant vnum vobiscum. Qui si venerint, recipite illos, vt pater recipit filios, eosque monebit sapius, vt propter pacem Dei ecclesie idem sentiant cum apostolico, vt vnus sint cum ipso voluntatis: recipientes videlicet Photium sanctissimum patriarcham & cum illo vna communicantes. Si autem venerint quicumque antea fuerant ordinati, recipiant sedes suas; qui vero deinde fuerant ordinati, accipiant ab episcopis ipsis victum & vestitum necessarium.

Præsidentibus vobis in Synodo vna cum prædicto sanctissimo patriarcha & legatis orientalibus, vna cum reliquis archiepiscopis & metropolitibus, & omnibus sacerdotibus Constantinopolitane ecclesie, primum legantur literæ ad imperatorem missæ: & interrogetur Synodus, si illas recipit, & si obseruat testimonia, quæ continent literæ ipsæ. Quibus annuentibus, hæc dicite: Dominus noster sanctissimus papa omnium ecclesiarum curam gerens, salutem etiam vestram & vnionem & pacem procurans, misit nos seruos suos, vt dispersos congregemus, & dissidentes conciliemus, & ecclesie misericordie manum porrigamus, lapsos erigamus, vt omnes vno ore glorificemus Patrem cum Filio & Spiritu sancto.

*Hic dempra aliqua superius notata de petendo veniam coram Synodo Photio imposita, addita vero alia, ex recitatis literis intelligere poterit.*

Sequentes Canones nostrorum patrum dicimus, vt post obitum Photii sanctissimi patriarchæ nullus a ciuili dignitate Constantinopolitanam sedem ascendat, quem admodum etiam literæ nostræ testantur.

Non preces  
tantum, sed  
excommu-  
nicationem  
continent  
Ioannis li-  
teræ de Bul-  
garorum  
causa.

Vides idem  
additamen-  
tum hic a  
falsario  
quod supra  
de abolen-  
da octava  
Synodo  
fuit apposi-  
tum.

Volumus etiam, vt coram Synodo prædictum Photium sanctissimum patriarcham oretis, vt neque pallium in Bulgariam mittat, neque ordinet quemquam in ipsa prouincia. Si enim hæc fecerit, iuxta sacros Canones illum arguemus.

Volumus præterea vt coram vniuersa Synodo promulgetur, quod Synodus habita aduersus prædictum patriarcham Photium tempore Hadriani sanctissimi papæ tum Romæ tum Constantinopoli, exnunc habeatur nulla & irrita, & non numeretur cum alia sancta Synodo.

Aduertite, vt iuxta mandatum nostrum ita ambuletis, neque muneribus vos corrumpi sinatis, neque adulationibus, neque minis & terroribus declinetis siue ad dexteram siue ad sinistram, sed regiam viam incedite, tamquam habentes locum & potestatem nostram, quam vobis propter ecclesiæ pacem sumus impertiti, vt vestro labore & diligentia digne gratiam nostram, & apostolicæ sedis obtineatis, & nostræ communionis sitis heredes.

*SVBSCRIPTIONES EPISCOPORVM,  
qui interfuerunt Romanæ Synodo, ex qua prodiit  
commonitorium & literæ Petro  
legato datæ.*

Zacharias episcopus ecclesiæ Anagninæ & bibliothecarius apostolicæ sedis in hoc commonitorio pro receptione Photii sanctissimi patriarchæ propria manu subscripsi.

Martinus episcopus ecclesiæ Narniensis in hoc commonitorio apostolicæ sedis pro restitutione Photii sanctissimi patriarchæ propria manu subscripsi: sic & aliqui sequentes.

Dominicus episcopus Triuenti.

Florius episcopus Marturensis.

Gaudericus episcopus Velitrensis.

Stephanus episcopus Ferentinas.

Leo episcopus \* Gabiensis.

Petrus episcopus Forosempronienfis.

Leo episcopus Tarracinenfis.

VValpertus episcopus Portuenfis.

Simeon episcopus Fundensis.

Ioannes episcopus \* Siminorum.

Benedictus episcopus.....

Gregorius episcopus Siluæ Candidæ.

Bonifacius episcopus Bleranorum.

Theodorus episcopus Gallefienfis.

\* Sabinen-  
fis.

Ste-

Stephanus episcopus Nepesinus.

*Presbyteri cardinales.*

Germanus presbyter tituli sanctorum Ioannis & Pauli.  
 Petrus presbyter tituli sancti Chrysoconi.  
 Benedictus presbyter tituli sanctæ Balbinæ.  
 Hadrianus presbyter tituli sancti Laurentii.  
 Ioannes presbyter tituli sanctæ Cæciliæ.

*Diaconi cardinales.*

Paulus diaconus subscripsi.  
 Leo diaconus subscripsi.

Audisti, lector, additamentum Photii de abrogatione Concilii œcumenici VIII. sub Hadriano pontifice celebrati, iam superius apertissime redargutum falsitatis, ex recitatis Ioannis papæ VIII. epistolis. Sed detegitur in eodem commonitorio eadem etiam impostura ex ipsa subscriptione episcoporum, qua (vt ex supra positis vidimus) profitentur omnes, se commonitorio pro Photii restitutione subscribere. Quod si ex Synodi sententia definita fuisset damnatio œcumenicæ Synodi VIII. eademque commissa legatis in dato illis commonitorio, credibile utique est magis eam suis subscriptionibus expressuros fuisse, quam Photii restitutionem.



CONCILIABVLVM  
 CONSTANTINOPOLITANVM

<sup>b</sup> OECVMENICVM PSEVDOOCTAVVM  
<sup>c</sup> reprobatum, <sup>d</sup> CCCLXXXIII. episcoporum, quo post obitum Ignatii <sup>e</sup> restitutio Photii est confirmata, sancta & œcumenica Synodus octaua plane abrogata, & e symbolo illa particula, *Filioque*, sublata fuit, <sup>f</sup> anno Domini DCCCLXXIX. tempore Ioannis Papæ VIII.

NOTÆ.

<sup>a</sup> *Conciliabulum.* ] Hæc Synodus Basilio imperatore & Photio procurantibus a Ioanne papa eius nominis octauo, ob Photii restitutionem dumtaxat, non vero (vt calumniose refert commonitorium quod actione II. huius Conciliabuli a Photio falsatum & corruptum inuenitur) ad octauæ Synodi abrogationem & reprobationem indicta fuit. Etiam si enim germanum illud verum & incorruptum commonitorium, quod Petro legato sedis apostolicæ datum est, inter epistolas Ioannis papæ non reperiatur: tamen illud, quod

A quo, & cur indictum?

Commonitorium legato datum quale?

*Concil. Tom. 24.*

NON